

續修四庫全書



《續修四庫全書》編纂委員會編

續修四庫全書

上海古籍出版社

二九九・史部・正史類

清史稿五百三十六卷(卷二百八十六至卷四百四十九)

趙爾巽等撰

2287/09

清史稿五

趙爾巽等撰

據上海辭書出版社圖書館藏民國十七年清史館鉛印本（關內本）影印原書版框高二三〇毫米寬三一六毫米

郎坦

薩布素

朋春
瑪拉

列傳六十七

郎坦瓜爾佳氏滿洲正白旗人內大臣吳拜子年十四授三等侍衛順治六年進二等從端重親王博洛討叛將姜瓖大渾源圍城渡濛來犯郎坦射其酋貫心殲遂敗賊師還進一等八年以吳拜附和內大臣洛什等獲罪並奪郎坦官尋復之康熙二年代吳拜管佐領護軍參領從定西將軍圖海討李自成餘黨李來亨等於茅麓山深入賊巢獲所置官十一四年襲一等精奇尼哈番十二年京師有張三道者設壇以邪教惑眾命郎坦與諸侍衛捕治十三年命行邊獲通盜張飛轂等擢正白旗蒙古副都統調本旗滿洲順治中俄羅斯東部人犯黑龍江邊境時稱為羅刹九年駐防寧古塔章京海塞遣捕性靈長希福率兵與戰師敗績世祖命誅海塞鞭希福百仍駐寧古塔十一年固山額真明安達里率師討之敗敵黑龍江羅刹未大創復侵入精奇里江諸處上命大清史稿

列傳六十七

理寺卿明愛等諭令撤回還延不即去據雅克薩城於其旁耕種漁獵又過牛滿恒浚侵擾索倫赫哲飛牙喀奇勒勒諸部二十一年秋遣郎坦及副都統朋春等率兵往索倫比行諭曰羅刹犯我境恃雅克薩城為巢穴歷年已久殺掠不已爾等至達呼爾索倫遣人往諭以來捕鹿因詳視陸路遠近沿黑龍江行圍遼遠雅克薩城勘其形勢度羅刹不敢出戰如出戰姑勿交鋒但率眾引退朕別有區畫賜御用表服弓矢以行及冬郎坦等還京師疏言羅刹久踞雅克薩恃有木城若發兵三千與紅衣職二十即可攻取陸行自興安嶺以往林木叢雜冬雪堅冰夏雨泥淖惟輕裝可行自雅克薩還至愛渾城於黑龍江順流行船僅須半月逆流行船約須三月期倍於陸行於運糧餉軍器輜重為便現有大船四十小船二十六宜增造小船五十餘應用上諭曰郎坦等奏取攻取羅刹甚易朕亦以為然第兵非善事宜暫停攻取調烏拉寧古塔兵千五百人并製造船隻發紅衣職烏拉教之演習於愛渾呼瑪爾二地建木城與之對壘相機舉行所需軍糧取諸科爾沁十旗及錫伯烏拉官屯約得一萬二千石可

清史稿

列傳六十七

支三年愛渾城距索倫五宿可至其間設一驛俟我兵將至精奇里烏拉令索倫供牛羊如此則羅刹不得納我通逃而彼之通逃且絡繹來歸自不能久存矣尋擢郎坦前鋒統領二十二年命與黑龍江將軍薩布素會議駐兵額蘇哩事還奏額蘇哩七月即經霜雪宜乘春和以寧古塔兵分為三班更番戍守上以吏番戍守非久長策不允二十三年額別八旗管兵官罷郎坦前鋒統領以世職隨旗行走二十四年命都統朋春率師征羅刹郎坦以副都統銜隨征師薄雅克薩城羅刹酋額里克舍請降郎坦宣詔有其罪引眾徙去毀木城是冬羅刹復來據雅克薩築城二十五年命郎坦偕副都統班達爾沙携紅衣職率薩牌兵百人往會將軍薩布素進兵上以郎坦語悉地勢即令參贊軍務六月薄其城壘築壘賊出拒擊敗之斬額里克舍尋俄羅斯察罕汗上書請釋雅克薩圍上許之令郎坦撤軍還駐寧古塔尋擢正白旗蒙古都統二十八年上遣內大臣索額圖等與俄羅斯使人費羅多囉等會於尼布楚立約定界命郎坦與議乃毀所築城徙去二十九年古北口外盜起命郎坦偕侍衛赫濟爾音

等督兵捕勦獲之三十一年噶爾丹侵喀爾喀部機及邊境授郎坦安北將軍率師駐大同疏請出邊駐喀喇穆倫偵寇昭暫駐歸化城尋擢領侍衛內大臣兼火器營總管列議政大臣三十二年授昭武將軍率師駐甘肅三十二年移駐寧夏與甘肅提督孫思克分道偵寇上聞噶爾丹將逼圖拉命郎坦移兵禦勦以圖拉無警引還仍任領侍衛內大臣列議政如故三十四年往盛京巡閱邊隘還入塞疾劇遣太醫馳驛往視尋卒賜祭葬

朋春棟鄂氏滿洲正紅旗人何和禮四世孫何和禮子何和碩進爵三等公子何爾本哲爾本蘇布遜襲至哀布以恩詔進一等朋春哲爾本子也順治九年襲封康熙十五年加太子太保授正紅旗蒙古副都統調本旗滿洲二十一年偕郎坦率兵至黑龍江規羅刹形勢賜御用表服弓矢與郎坦還奏上命寧古塔將軍巴海副都統薩布素建木城於黑龍江呼瑪爾調取所部兵一千五百人往駐焉又命尙書伊桑阿赴寧古塔督造戰船尋擢朋春正紅旗滿洲副都統二十四年詔遷八旗及安置山東河南山西三省福建投誠薩牌兵付左都

督何祐率赴盛京命朋春統之進勦羅利以副都統班達爾沙副都統街瑪拉
瑟儀使建義侯林興珠護軍統領修實參贊軍務祐與珠皆鄭氏將來降者也
師既行上遣侍衛關保至黑龍江傳諭曰兵凶戰危朕以仁治天下素不嗜殺
以我兵馬精強器械堅利羅利勢不能敵必獻地歸誠爾時勿殺一人俾遠故
土宣朕柔遠至意五月師薄雅克薩城遣人諭降不從分水陸兵爲兩路列營
夾攻復移紅衣礮於前積薪城下示將焚焉羅利頭目額里克舍詣軍前乞降
乃宥其罪釋還俘虜額里克舍引六百餘人徙去毀木城以歸附巴什里等四
十五戶及被掠索倫達呼爾百餘戶安插內地二十九年厄魯特與喀爾喀構
釁命裕親王福全爲撫遠大將軍出邊勦噶爾丹以朋春與都統蘇努參贊軍
務蘇努率左翼朋春率右翼至烏圖布通噶爾丹依山列陳朋春所部爲泥淖
所阻蘇努督兵衝擊大破之噶爾丹僞乞和夜自大嶺山遁走部議朋春坐奪
官上命寬之降級留任三十一年命解職赴西路軍前管隊三十五年復授正
紅旗蒙古都統旋以費揚古爲撫遠大將軍朋春仍參贊軍務出西路破噶爾

清史稿

列傳六十七

三

丹於昭莫多師還以本隊護軍驍騎十八人戰死未收其骸下部議以師有功
免罪仍錄戰績增注敕書三十八年因病解職尋卒子增壽改襲三等公
薩布素富察氏滿洲鎮黃旗人四世祖充順巴本以勇力聞世爲岳克通鄂城
長太祖時其後人哈木都率所部來歸屯吉林遂家焉薩布素自領僅授驍騎
校邊協領康熙十六年聖祖遣內大臣覺羅武默訥等瞻禮長白山至吉林欲
得識路者導引密古塔將軍巴海令薩布素率兵二百携三月糧以從水陸行
至長白山麓成禮而還事具武默訥傳十七年授薩布素密古塔副都統羅利
據雅克薩二十一年詔率兵偕耶坦等勒視雅克薩城形勢並往視自額蘇哩
至黑龍江及通密古塔水陸道尋耶坦還奏羅利可圖狀命建木城於黑龍江
呼瑪爾兩地以巴海與薩布素統密古塔兵千五百人往駐造船備礮二十二
年疏言黑龍江呼瑪爾距雅克薩尚遠若駐兵兩處則勢分道阻且過雅克薩
有尼布楚等城羅利倘水陸運糧增兵救援更難爲計宜乘其積貯未備速行
征剿俟造船畢度七月初旬能抵雅克薩即統兵直薄城下疏下王大臣議如

所請上不許許命巴海留守吉林以薩布素偕密古塔副都統瓦爾祜率兵駐
額蘇哩爾蘇哩在黑龍江呼瑪爾之間爲進攻雅克薩要地有田圃舊迹薩布
素因移達呼爾防兵五百人赴其地耕種並請調密古塔兵三千更番戍守上
念兵丁更戍勞苦命在黑龍江建城備攻具設斥候計程置驛運糧積貯設將
軍副都統領之羅薩布素爲黑龍江將軍招撫羅利降人授以官職更令轉相
招撫上命都統瓦爾祜率兵不與薩布素議師期薩布素請以來年四月水陸
并進攻雅克薩城不克則刈其田禾上謂攻羅利當期必克倘謀事草率將益
肆猖狂二十四年以朋春等統兵進攻薩布素會師克雅克薩城乃命薩布素
移駐額爾根建城防禦二十五年疏言羅利復踞雅薩克請督修戰艦俟冰泮
進剿上遣耶坦中滿丕往調得實乃命薩布素暫停墨爾根兵丁遷移家口速修
戰艦率密古塔兵二千人往攻又命耶坦達爾沙會師抵雅克薩城城西瀕江
薩布素令於城三面掘壕築壘爲長圍對江駐水師未冰時泊舟東西岸截尼
布楚援兵冰時藏舟上流改港內馬有疲羸者分發墨爾根黑龍江飼秣計持

清史稿

列傳六十七

四

久上因荷蘭貢使以書諭俄羅斯察罕汗答書請遣使畫界先釋雅克薩圍上
允之命撤圍二十八年俄羅斯使臣費耀多囉等至尼布楚命內大臣索額圖
等往會令發黑龍江兵千五百人爲衛護議以大興安嶺及格爾必齊河爲界
毀雅克薩城徙其人去二十九年薩布素入覲賜寶優渥命坐內大臣班尋命
總管索倫等部貢物疏陳各部生計土俗採捕之事擬爲則例以上上悉允行
三十一年奏建齊齊哈爾及白都訥城以科爾沁部獻進錫伯卦爾察達呼爾
壯丁萬四千有奇分駐二城編佐領綠上三旗並設防守尉尉察等官噶爾丹
入犯疏陳進兵事宜略言興安嶺北形勝地以索約爾濟山爲最已遣識路官
兵自盛京吉林墨爾根審度至山遠近分置驛站其無水處掘井以待山之東
北呼倫貝爾等處有警與臣駐軍地近即率墨爾根兵先進吉林盛京繼之山
之西烏勒輝等處有警則盛京兵先進臣率部下及吉林兵繼之皆會於索約
爾濟山上可其奏三十五年上親征噶爾丹自獨石口出中路大將軍費揚古
自歸化城出西路命薩布素扼其東路督盛京密古塔科爾沁兵自索約爾濟

山冠期進剿四月上次克魯倫河噶爾丹西竄為費揚古所敗昭分薩布素所部兵五百人隸費揚古軍三十六年召至京師尋命回任初邊境有墨爾哲勒屯長累世輪貢康熙初屯札努喀布克托請率眾入移寄古塔將軍巴海安輯於墨爾根編四十佐領號新滿洲薩布素奏於墨爾根兩翼立學設助教選新滿洲及錫伯索倫達呼爾每佐領下幼童一教習書義是為黑龍江建學之始三十七年上幸吉林褒其勤勞予一等阿達哈哈番世職并御用冠服於眾前賞諭賜之尋疏言黑龍江屯堡因災荒積欠米石請俟年豐交倉上以薩布素曾奏革任總督蔡毓榮經理十二堡著有成效嗣因官保荒棄請停止屯種將壯丁改歸驛站存貯倉米支放無餘致駐防兵饑乏責令回奏薩布素其疏引罪請以齊齊哈爾墨爾根駐防兵每年輪派五百人往錫伯等處耕種官田穫穀運齊齊哈爾交倉詔侍郎滿丕等往按以薩布素將荒廢地妄報成效並浮支穀石應斬命能任奪世職在佐領上行走尋授散秩大臣三十九年卒乾隆間敕修盛京通志列名宦且稱薩布素諳練明敏得軍民心其平羅剎及

清史稿

列傳六十七

五

黑龍江興學有文武幹濟才云

瑪拉那喇氏滿洲鎮白旗人尙書尼堪從子尼堪卒無子瑪拉與叔阿穆爾圖阿錫圖及弟兆查分襲尼堪世職瑪拉襲三等阿達哈哈番初任理藩院筆帖式順治五年英親王阿濟格征叛將姜瓖圍大同令瑪拉調蒙古兵以從累遷理藩院副理事官康熙十四年察哈爾布爾尼叛聖祖命信郡王鄂札帥師討之瑪拉自陳久任理藩院習知蒙古狀願赴軍前效力遂命與員外郎色梭赴科爾沁諸部調遣兵馬協剿師還擢通政使遠禮部侍郎十六年擢工部尙書偕內大臣喀岱往科爾沁諸外藩宣諭禁令瑪拉初受任上誠以工部積弊宜殫心釐剔十九年坐不能清積弊議降五秩詔從寬留任復以鑾殿器用修造疏忽奪尙書仍留世職二十二年上以俄羅斯數犯邊擾及索倫飛牙喀諸部命集兵黑龍江將進討遣瑪拉往索倫儲軍實尋疏言索倫總管博克所獲俄羅斯人及軍前招降者皆迫於軍威不宜久留索倫應移之內地詔允行復言雅克薩尼布楚二城久為羅剎所據臣密調雅克薩惟耕種自給尼布楚歲捕

貂與喀爾喀貿易資養瞻請飭喀爾喀車臣汗禁所部與尼布楚貿易並飭黑龍江將軍水陸並進示將攻取雅克薩因刈其田禾則俄羅斯將不戰自困上然之即以瑪拉所奏檄示喀爾喀二十四年遣都統朋春等帥師往黑龍江議進兵授瑪拉副都統銜參贊軍務遣蒙古兵三十調雅克薩城生擒羅剎七人得城中設備及乞援各部狀是年夏朋春等攻羅剎克之遂其人瑪拉在事有功二十五年黑龍江佐領鄂色以耕牛多斃農器損壞奏請儲備命瑪拉往黑龍江督理農務諭曰農事關軍饌令嚴督合力播種值歲豐收穫甚稔二十七年授護軍統領二十九年噶爾丹侵掠喀爾喀命瑪拉偕都統額赫納前鋒統領領頭等率兵往討之賜內廐馬以行未幾噶爾丹掠烏珠穆沁命裕親王福全等分統大軍出塞擊之噶爾丹敗遁師旋三十年復來犯至阿爾哈資無所掠而遁時土謝圖汗車臣汗率所部來歸上幸塞外撫輯瑪拉扈從旋命偕都統瓦岱等率兵赴圖拉偵噶爾丹抵克魯倫河聞其遠竄乃還授西安將軍三十二年準噶爾和碩特部吉巴圖爾額爾克濟農來降上以其人未可信命瑪

清史稿

列傳六十七

六

拉徙入內地母令復逸瑪拉疏言巴圖爾額爾克濟農率所屬二千餘口窮乏來歸揆其情狀當不復逸遂遣官護送并其子台吉雲木春來朝優資遣之未幾瑪拉卒於官賜祭葬諡敏恪

論曰俄羅斯之為羅剎譯言緩急異耳非必東部別有是名也初遣兵調敵耶坦主其事取雅克薩城朋春薩希素迭為將而耶坦與瑪拉質佐之尼布楚盟定開市庫倫是為我國與他國定約互市之始用兵當期必克我苟草率復益猖狂聖祖諭薩布素數言得馭夷之要矣

清史稿

列傳六十八

費揚古

馬斯喀

修國綱

阿南達

吉勒塔布

股化行

潘育龍

額倫特

費揚古棟鄂氏滿洲正白旗人內大臣三等伯鄂碩子狀貌魁異年十四襲爵康熙十三年從安親王岳樂率兵徇江西討吳三桂三桂將黃乃忠糾眾萬餘自長沙犯袁州費揚古與副都統沃赫總兵趙應奎擊敗之克萬載十五年擊走夏國相於萍鄉進圍長沙累戰皆捷十八年復敗吳國貴於武岡師還擢領侍衛內大臣列議政大臣噶爾丹劫掠喀爾喀遣使諭罷兵不從數擾邊境二十九年授裕親王福全為撫遠大將軍率師討之命費揚古往科爾沁徵兵參贊軍事秋擊敗噶爾丹於烏蘭布通三十二年歸化城增戍兵以費揚古為安北將軍駐焉三十三年噶爾丹遣使至請入貢費揚古發兵迎護偵其衆男婦

清史稿

列傳六十八

千五百有奇留之歸化城疏聞上察噶爾丹意叵測陽為修好潛遣入內地窺探命侍郎滿不諱責其使遣之還七月聞噶爾丹將窺圖拉詔費揚古偕右衛將軍希福率軍往禦希福請益兵上責其疑沮令勿偕往尋以圖拉無警噶爾丹將趨歸化城詔費揚古旋師三十四年噶爾丹至哈密費揚古往禦乃自圖拉河西竄尋授右衛將軍仍兼攝歸化城將軍事疏言聞噶爾丹據巴顏烏闌距歸化城約二千里宜集兵連糧於來年二月進剿詔授費揚古撫遠大將軍以都統伊勒慎護軍統領宗室費揚古瓦爾達副都統碩岱將軍舒恕參贊軍事尋召入親授以方略三十五年二月詔親征三路出師以黑龍江將軍薩布素出東路費揚古出西路振武將軍孫思克西安將軍博齊自陝西出鎮彝並進上親督諸軍自獨石口出中路與費揚古期四月會師圖拉費揚古師自翁金口進次烏闌厄爾幾再進次察罕河朔與孫思克師會而上已循克魯倫河深入五月費揚古師至圖拉疏言西路有草之地為賊所焚我軍每迂道秣馬又遇雨糧運遲滯師行七十餘日人馬疲困乞上緩軍以待上進次西巴

清史稿

列傳六十八

爾台再進次額爾德尼拖洛海噶爾丹屯克魯倫河聞上親督師至升孟納爾山遙望見御營大營盡棄其廬帳器械遁去上命馬思喀為平北大將軍遂噶爾丹並密諭費揚古要擊親督大軍躡其後次中拖陵費揚古偵知噶爾丹走特勒爾濟遣前鋒統領碩岱副都統阿南達阿楚等率兵先往挑戰且戰且却誘至昭莫多昭莫多者蒙古語大林也在肯特嶺之南土臘河之北費揚古分兵三隊東則京城西安諸軍及察哈爾蒙古兵屯山上西則右衛大同諸軍及喀爾喀蒙古兵沿河列陣孫思克率綠旗兵居其中並遣上方略令官兵皆步戰俟敵卻乃上馬衝擊噶爾丹衆猶有萬餘人冒死鏖鬪自未至西戰其力費揚古遙望噶爾丹後陣不動知為婦女駝畜所在應精騎襲其輜重敵大亂乘夜逐北三十餘里至特勒爾濟口斬級三千餘俘數百人獲駝馬牛羊廬帳器械無算噶爾丹妻阿奴喀屯素悍能戰亦殲於陣噶爾丹引數騎遠竄費揚古令阿南達詣御營奏捷上乃班師令費揚古駐守科爾沁尋命移駐喀爾喀郡王善巴游牧地噶爾丹所往甬至噶爾丹潛使台吉丹濟拉率千五百人入掠喀爾喀牲畜輜糧遣副都統祖良璧禦却之追至翁金河丹濟拉敗遁尋以馬疲請移軍駐喀爾喀穆倫會噶爾丹使其宰桑格坐沽英等來請納款上再辛塞外駐蹕東斯坎召費揚古至行在入對上褒其功奏曰軍中機務皆遵皇上指授並未有所效力況西路糧廩乏不能前進及聞駕至克魯倫官兵無不奮發不俟督責力戰破敵奈臣庸劣皇上窮追困蹙之寇臣不能生擒以獻實臣罪也上曰噶爾丹窮蹙朕不忍悉加誅戮不如撫而活之對曰此天地好生之仁非臣等所能測也賜御佩藥鞭弓矢命還軍三十六年春正月阿南達自肅州奏哈密回人擒獻噶爾丹子塞卜騰巴爾珠爾等上以其疏錄示費揚古並賜胙肉鹿尾關東魚諭曰時當上元令節衆蒙古及投誠厄魯特等齊集暢春園適阿南達疏至衆皆喜悅爾獨居邊塞不得在朕左右故以疏示並問爾無恙即如與爾相見也二月上復親征自榆林出塞詔費揚古密籌進剿費揚古以去歲未生擒噶爾丹請解大將軍任上不允令便宜調遣軍馬費揚古進次薩奇爾巴爾哈孫丹濟拉使來言噶爾丹至阿察阿穆塔台飲藥自殺欲携其

戶及其女鍾齊海率三百戶來歸費揚古以聞上乃班師令費揚古駐察罕諾爾以待六月丹濟拉至哈密費揚古有疾詔昭武將軍馬思喀代領其軍還京師仍領侍衛內大臣進一等公仍以未生擒噶爾丹疏辭不允因諭曰昔朕欲親征噶爾丹衆皆諫止惟費揚古與朕意合遂統兵西進道路遼遠兼之水草乃全無顧慮直抵昭莫多俾奸狡積寇挫衄大敗累年統兵諸將未有能過之者又曰屢出征知爲將其難費揚古相機調遣緩急得宜是以濟事四十年從幸索約勒濟中途疾作上駐蹕一日親臨視疾賜御帳蟒緞鞍馬帑銀五千遣大臣護之還京師尋卒賜祭葬諡壯以子辰泰襲一等侯兼拖沙喇哈番費揚古機直有遠慮昭莫多破賊費揚古今暮府具疏滅斬賊之數備言師行迷道絕糧皆臣失算賴聖主威福微幸成功非意料所及暮府或咎其失體費揚古曰今天子親御六師如見策勳易啟窮兵黷武之漸非國家福也及還京師上命大臣校射費揚古以臂痛辭出語人云我嘗爲大將軍一矢不中爲外藩笑指國家威重故不敢與角耳滿不伊爾根覺羅氏滿洲正藍旗人世管佐

清史稿 列傳六十八 三

領自贊禮郎累遷御史兼管佐領以事奪官從都統祁坦赴尼布楚與俄羅斯使臣議界還授理藩院郎中二十九年僱員外郎鄂齊爾登敕宣示噶爾丹時大將軍裕親王福全統師往烏爾布通上親臨邊指授方略滿不伊爾丹奏書至因言賊距大軍僅百里請往擊之上許之遂赴烏爾布通督火器營擊敗噶爾丹得頭等功牌累擢理藩院侍郎三十二年費揚古進軍圖拉尙書阿喇尼率蒙古兵爲前哨命滿不協同經理驛站三十四年命往歸化城協理軍務三十五上親征命將兩藍旗兵赴費揚古軍自翁金趨圖拉破賊昭莫多奉詔還歸化城察視凱旋官兵行糧及撫輯降人旋仍赴費揚古軍移駐喀爾喀游牧界外塔拉布拉克偵防噶爾丹收降其部人札木素等未幾噶爾丹竄死召還京列議政大臣予拖沙喇哈番世職三十九年命往四川勘撫番蠻同提督唐希順攻復打箭鎗於是雅麗江濱瞻對喇衮革什咱嶺斯甲布諸土目各率所屬戶口投誠奏請授五品安撫司其副爲六品土百戶從之擢正藍旗蒙古都統以疾乞能尋卒領侍衛塔喇氏滿洲正白旗人先世居片雅滿山有

昂郭都哩巴顏者歸太祖額岱其五世孫也初授二等侍衛兼甲喇領其世祖幸南苑額岱與一等伯巴什泰及蒙古侍衛素尼並從素尼猝拔刀殺巴什泰額岱即舉所執長槍擊素尼立仆禽之置諸法上嘉其勇敢予世職拜他喇布勒哈番兼拖沙喇哈番授巴牙喇甲喇章京從將軍卓布泰南征渡盤江擊敗李成蛟復進攻李定國度磨盤山遇伏力戰破之又從將軍濟席哈討定山東土寇于七康熙初擢前鋒統領吳三桂反命率兵先諸軍發駐守荊州尋命參贊順承郡王勒爾錦軍務未幾能參贊從將軍穆占等攻長沙三桂將馬寶胡國柱等犯永興額岱往援失利棄營入城穆占劾之還京師罷官奪世職二十九年起爲正白旗滿洲副都統從定北將軍瓦岱征噶爾丹至克魯倫河偵賊遠遁遂還尋偕都統噶爾瑪率兵駐大同三十五年大將軍費揚古出師西路命額岱署前鋒統領率大同護軍二百八十人爲前鋒噶爾丹遁往西路命費揚古要擊偵賊至特勒爾濟口令額岱率前鋒挑戰誘至昭莫多合圍奮擊斬獲無算師還擢內大臣復世職進三等阿達哈哈番五十年卒子海綬於雍

清史稿 列傳六十八 四

正七年以護軍校隨大將軍傅爾丹征準噶爾擊賊和通呼爾哈諾爾陣沒議卹予世職拖沙喇哈番素丹富察氏滿洲正黃旗人費雅思哈子襲世職護軍參領從裕親王擊噶爾丹戰烏爾布通中箭傷擢護軍統領命帥師駐大同三十五上親征噶爾丹命素丹發兵與費揚古刻期並進尋召赴行在統前鋒兵爲導上克魯倫河素丹請俟費揚古軍至夾擊師還賜內廐馬改授前鋒統領以疾解任雍正初命大將軍年羹堯征青海起素丹參贊軍務西密郭隆寺喇嘛助亂素丹與提督岳鍾琪討平之授正黃旗蒙古都統署固原提督尋改正紅旗滿洲都統列議政大臣仍駐守陝西七年師征噶爾丹命素丹將西安滿洲兵出涼州卒於軍賜祭葬諡勤儉

馬斯喀富察氏滿洲鎮黃旗人米思翰長子初授侍衛兼佐領康熙二十七年自護軍參領授武備院卿二十八年遷鎮黃旗滿洲副都統尋擢內務府總管領侍衛內大臣兼管火器營三十五年上親征噶爾丹馬斯喀率鎮黃旗烏槍兵以從先期命與諸大臣議定出征營陳隊伍序次上駐郭和蘇臺命閱留牧

馬羣議分馬羣爲七擇水草佳處爲牧地上進駐西巴爾台距克魯倫河已近而費揚古軍未至圖拉諭王大臣集行營議信郡王鄂札請駐師以待馬斯喀與內大臣蘇勒達明珠請進漸敵營上從之復進次克魯倫河噶爾丹望見御營嚴整遂驚遁上親統師逐之至拖諾山授馬斯喀平北大將軍率師進至巴顏烏蘭噶爾丹敗於昭莫多北走所部丹巴哈什哈等詣馬斯喀軍降馬斯喀與費揚古師會收集降人遣兵衛送至張家口外乃還師列議政大臣復從上出塞率師駐大同三十六年春授昭武將軍移師駐塞夏都統巴渾德齊世將軍薩布素都統兼前鋒統領領軍統帥高福魁總兵王化行並參贊軍務尋命與費揚古會師馬斯喀以將軍參贊費揚古軍務初伊拉古克三胡圖克圖盜馬歸噶爾丹及噶爾丹死復投策妄阿拉布坦費揚古令馬斯喀率師追之次摩該圖不能及引師還上遣侍郎常毅等諭策妄阿拉布坦得伊拉古克三胡圖克圖以歸誅之馬斯喀坐追勦遲緩當奪官上命留內務府總管及佐領四十二年授鑲白旗蒙古都統四十四年卒賜白金千道內大臣奠茶酒發引

清史稿

列傳六十八

五

命皇子往送賜祭葬諡哀貞

佟國綱佟佳氏滿洲鎮黃旗人修圖賴子初隸漢軍領牛索額貢授侍衛康熙元年襲三等精奇尼哈番授內大臣十四年察哈爾布爾尼爲亂授安北將軍率師駐宣府布爾尼亂定引還十六年推孝康章皇后外家恩贈修圖賴一等公仍以國綱襲二十年授鑲黃旗漢軍都統疏陳世系請改入滿洲下部議許以本支改入滿洲二十八年命與內大臣索額圖等如尼布楚與俄羅斯使臣費耀多羅等議立約定界二十九年大將軍裕祿親王福全率師討噶爾丹以國綱參贊軍務八月已未勒師次烏蘭布通噶爾丹屯林中臥斃於前而兵伏其後國綱奮勇督兵進擊中烏槍沒於陳喪還命皇子迎奠將葬上欲親臨國綱弟國維及諸大臣力阻乃命諸皇子及諸大臣皆會賜祭四壇設忠勇上以翰林院撰進碑文不當意乃自爲製文有曰爾以肺腑之親心膂之寄乃義存奮激甘蹈艱危人盡如斯冠冕足矜惟忠生勇爾實兼之雍正初加贈太傅邁圖亦修佳氏滿洲正白旗人父烏進國初自哈達來歸邁圖初授侍衛從信郡王

清史稿

列傳六十八

六

祭葬視副都統子世職拜他喇布勒哈番

阿南達烏彌氏蒙古正黃旗人祖巴賴都爾莽索初事察哈爾林丹汗林丹汗敗走率所部二百三十餘戶保哈屯河遼東歸太宗授一等梅勒章京從攻寧遠敗明兵復從攻錦州戰死贈三等昂邦章京父哈岱年十七從父攻寧遠敵矢陷父馬且賸哈岱不遑甲馳入陳下馬掖其父超乘步從擊敵與俱還太宗嘉其勇厚賚之父死襲世職屢從伐明敗明兵入關定江南徇浙江擊虜機思討姜瓖取舟山皆在行間康熙間授內大臣討吳三桂命與侍衛阿喇尼徵喀喇沁翁牛特蘇尼特諸部兵分駐大同河南兗州備調發卒諡勤壯阿南達哈岱次子也以一等侍衛兼佐領康熙八年襲拜敗坐黨附罪斬聖祖特寬之二十七年噶爾丹侵掠喀爾喀諸部命偕喇嘛商南多爾濟齋收斂罷兵噶爾丹遣使人朝而侵掠如故二十九年命往會喀爾喀諸部兵討噶爾丹以尙書阿喇尼都統額赫納等先後率師出塞阿南達還奏言噶爾丹爲托多額爾德尼擊收伯卒還報有二人共一騎者有剽木爲兵者狀至窮蹙請發兵討之上命

選察哈爾兵六百率以赴圖拉登額赫訥軍尋阿喇尼請移西路軍會勦阿南達率兵渡瀚海會大將軍裕親王福全敗賊於烏蘭布通三十一年命赴寄夏招和碩特部台吉巴圖爾額爾克濟農來降擢正黃旗蒙古都統三十二年間噶爾丹將取糧哈密授耶坦爲昭武將軍召阿南達還三十五年上親征噶爾丹命阿南達如喀爾喀諸部求習塞外途還者二十人爲導上次克魯倫河噶爾丹將走還特勒爾濟阿南達方從費揚古自圖拉向昭莫多費揚古令阿南達等先擊噶爾丹爲敗以致敵至昭莫多縱擊敗敵事具費揚古傳阿南達赴行在奏捷上召詢戰狀對曰噶爾丹聞上親征惶駭竄走不虞我兵絕其歸路突然交戰擒斬過半死傷枕藉風下人多怨懟降者甚衆噶爾丹深以爲悔費揚古慮涉於張疏報捷特約略言之上乃班師命阿南達駐守肅州尋移軍邊境調噶爾丹蹤跡阿南達遣兵分駐昆都倫額濟內諸處復與提督李林隆移廠赴布隆吉爾度要隘留軍策應乃還肅州上以其章示議政諸臣獎阿南達防邊能稱職也噶爾丹自昭莫多敗後部衆多離散噶爾丹多爾濟者其妻弟也

清史稿

列傳六十八

七

陰持兩端阿南達至布隆吉爾獲其羅卒縱歸招之降遂遣使通款阿南達因其使檄哈密回部噶爾丹且至當禽獻即傳語噶爾丹多爾濟噶爾丹至哈密哈密且禽獻當爲哈密助未幾噶爾丹遣族子顧孟多爾濟等與達賴喇嘛青海諸台吉通聲聞阿南達復至布隆吉爾偵知之率兵追及於素爾河擒其使人以其書十四函馳奏三十六年哈密回部擒噶爾丹子色下騰巴爾珠爾及其從者徹特和碩齊等送阿南達繼又獲厄魯特土克齊哈什喀土克齊實賚我使臣馬迪至是始就擒先後獲送京師尋復疏言厄魯特皆巴微爾貝來降詢知噶爾丹窮促狀是歲上復親征命與林隆率甘州兵二千出布隆吉爾次塔爾河聞噶爾丹已死所部台吉丹濟拉將寶巴里坤依噶爾丹從子策妄阿喇布坦因往追之未及上命還駐布隆吉爾丹濟拉詣哈密乞降阿南達護使謁上行在敘昭莫多功予拖沙喇哈番世職尋奉命率兵駐西寧四十年卒賜祭葬雍正二年追諡恪敏阿喇納阿南達長子少襲其祖哈岱世職授三等侍衛累進散秩大臣策妄阿喇布坦繼噶爾丹爲寇侵哈密五十四年上命尙書

清史稿

列傳六十八

八

富寧安視師屯巴爾庫爾五十五年授阿喇納參贊大臣選八旗察哈爾勁卒及營從阿南達出塞者得四百人率之以行五十六年授富寧安靖逆大將軍令阿喇納將一千三百人自烏蘭烏蘇深入烏魯木齊至通俄巴錫搜山俘一百數十人收駝馬牛羊踰其稼乃還五十九年師入西藏富寧安復令率四千入吐魯番出邊至齊克塔木破賊敵壘進至皮禪回民三百餘以城降師遂會富寧安於烏蘭烏蘇引還六十年上命率師進取吐魯番因留駐其地策妄阿喇布坦來犯阿喇納行與遇令分兵爲三突入陳策妄阿喇布坦敗入林中棄馬步戰我師發槍擊殺準噶爾兵百餘乃敗走逐北數十里俘獲甚衆授協理將軍築城屯壘爲持久計阿喇納久居邊塞悉敵情疏請進兵伊犁下議政大臣議以賊已遠竄暫緩進兵雍正元年擢鎮紅旗蒙古副都統師征青海命率兵二千駐布隆吉爾賊酋阿喇布坦蘇巴泰來襲遣師追至推默爾大敗之未幾卒於軍遺疏爲父請諡上特許之賜白金千遺官議喪歸諡愷怡加拜他勒布喇哈番以其子伍彌泰兼襲合爲三等伯乾隆間定封號曰誠毅伍彌泰自有傳

吉勒塔布李佳氏滿洲正紅旗人覺華第三子初授侍衛兼前鋒參領康熙十一年授正紅旗蒙古副都統十三年耿精忠叛命偕副都統拉哈率師駐江寧尋令援浙江從將軍貝子傅喇塔攻嶧縣與精忠將甘養性等戰於黃瑞山督兵乘夜分兩翼衝擊又遣兵循山麓疾上以烏槍旁擊之養性敗潰克仙居十四年養性與叛將祖宏勳犯台州吉勒塔布與都統沃申赴援戰於平山嶺殲賊四千餘奪樂達隘道遇賊伏盡殲之直趨黃巖副都統穆赫林督兵夾擊養性夜走溫州克黃巖復戰於上塘嶺攻溫州久未下十五年養性復以四萬餘人來犯吉勒塔布遣兵分道逆擊進勦處州過三角嶺循江度師養性以百餘丹屯江上陸兵屯得勝山下據險拒我師吉勒塔布與總兵陳世凱分道拔賊壘又以礮擊賊舟沈諸江師次溫溪渡口擊敗精忠將馬成龍等斬千餘級遂與康親王師會衢州偕都統費塔等擊精忠將馬九玉戰於大溪灘吉勒塔布督兵鏖三溪進焚木城克江山九玉敗遁遂度仙霞嶺進克浦城建陽諸縣從

康熙王進次福州精忠降十六年擊鄭錦同安十八年與錦將劉國軒戰於下坑於歐溪頭於郭坑皆勝斬二千餘級收海澄與沃中駐師漳州二十一年師還累擢護軍統領正紅旗蒙古都統二十七年授兵部尚書列議政大臣噶爾丹侵喀爾喀上命吉勒塔布與都統巴海等徵科爾沁諸部兵備邊尋命往蘇尼特度水草佳處為喀爾喀牧地二十九年命與尙書阿喇尼出塞自歸化至圖拉置臺站率師會喀爾喀諸部自洮灝河進攻噶爾丹噶爾丹掠烏珠穆秦部至烏勒爾河我師與遇分兵乘夜挑戰喀爾喀兵違節度亂戰失利吉勒塔布當奪官命留佐領率兵駐呼魯固爾河旋命與內大臣阿密達同駐克勒待裕親王師至分三隊以進吉勒塔布為第一隊大敗噶爾丹於烏蘭布通三十年詔移喀爾喀土謝圖車臣兩部歸附人牧近邊上出塞撫綏令吉勒塔布與尙書馬齊班第等先期集歸附人於上都河額爾屯河以待上慮巴圖爾額爾克濟農降罷兵歸三十五年擢都統三十六年卒賜祭葬

清史稿

列傳六十八

九

股化行字熙如陝西咸陽人初以王姓成康熙九年武進士十三年從經略吳洛討吳三桂授守備會主輔臣叛莫洛遇害化行被脅羈秦州稱病不為賊用逾年自拔歸總督哈占奏復原職補火器營守備從振武將軍佛尼勒戰牛頭山攻克上下嶺三桂將王屏藩據漢中以二萬人犯寶雞大將軍圖海檄化行赴援破敵解西山堡爾復自大泥峪取兩河關復與安州城十九年佛尼勒援永甯化行為前鋒敗敵托川擊走三桂將胡國柱於安甯橋調援敘州與西南總兵李芳述守城賊分三路來攻擊卻之圖海哈占合疏陳化行奮戰狀特擢漢中城守營副將二十年逐國柱迭戰安邊敘馬連峯石盤關諸處屢克要隘復馬湖府城二十二年追議輔臣叛時被脅坐奪官哈占以化行未為輔臣用從征有勞奏復原職授直隸三屯營副將二十三年敘功加一等授都司僉書兼管副將事二十五年上幸畿東化行扈從行圍賜上用佩刀二十六年擢福建臺灣總兵賜貂裘白金時議城臺灣化行言地皆浮沙難以鞏固令部下人致樹一植為城數日而成諸部亦各植木城繕治甲兵防禦以固三十年移襄

陽陝西旱米價騰貴民多流移詔發襄陽米二萬石水運至商州改陸運至西安命內閣學士德珠與化行及總督丁思孔往督水陸轉運並護流民還里三十二年移登州復移甯夏三十五年上親征噶爾丹三路出師發陝西兵當西路遣刑部尙書圖納會將軍督撫及河西提鎮議進兵事化行陳方略詔報可時綠旗兵統於振武將軍孫思克率涼州總兵董大成肅州總兵潘育龍及化行自甯夏出塞會大將軍費揚古進剿化行領所部兵三千至翁金河簡精卒前進遇敵昭莫多山崖峻削其南漸陲有小山橫互化行急據其巔麾軍士畢登敵猝至山腹發砲擊之噶爾丹率眾死鬪鋒甚銳化行使告費揚古曰賊陳堅宜遣一軍衝其脅賊婦女輜重俱在後陳垣之必亂費揚古從之化行望山下兩軍將薄陳鼓行而下敵披靡死傷枕藉噶爾丹敗遁詔班師是役化行功最三十六年疏請率兵二千至郭多里巴爾哈孫偵禽噶爾丹會上西巡將幸甯夏化行迎謁奏請行圍花馬池觀軍容上曰師行賴馬力今噶爾丹未滅甯夏兵至花馬池往來七八日馬必疲獵細事耳罷獵而休馬以獵噶爾丹何如

清史稿

列傳六十八

十

乃令化行率所部兵五百人從昭武將軍馬思喀復出塞尋命化行參贊軍務諡謂綠旗總兵官未有授參贊者並賜孔雀翎師次郭多里巴爾哈孫會大將軍費揚古兵進至洪郭羅阿濟爾罕噶爾丹死詔班師化行還甯夏三十七年請復本姓敘昭莫多功予拖沙喇哈番世職擢廣東提督三十九年瓊州營游擊詹伯彥等擾聚人黎人王鎮邦為亂以化行約束不嚴降級留任四十年連陽搖為亂里入岫嶺嶺二排尤凶橫化行率總兵劉虎駐師里入崗遣副將林芳入排使執為亂者以獻搖人戕芳及所從兵役上命尙書嵩祝為將軍令化行及廣西湖南提督各發兵討之四十一年夏會師連州分扼要隘搖人懼縛獻為亂者李貴鄧二等置諸法餘悉就撫尋追按芳被戕化行虎不能救虎奪官化行休致四十二年上幸西安化行迎謁授其子純四等侍衛四十九年卒潘育龍字飛天甘肅靖遠人初入伍從征李來亨等於茅麓山有功康熙十四年王輔臣叛育龍從副將偏圖攻三水淳化復從揚威將軍阿密達戰涇州甯夏道梗大將軍董額使育龍赴提督陳福軍自紅河川白馬城請要隘轉戰七

晝夜達南夏駐靈州招撫散卒總督哈占調援山陽敗賊於甘溝口十五年從撫遠大將軍圖海奪平涼城北虎山墩寨據守備十七年吳三桂兵犯牛頭山香泉育龍從總兵王好問等山間道擊破之十八年克梁河關斬三桂將李景才景文略等海興安三桂將謝泗王永世以城降敘功擢都司僉書叛將譚宏據川東育龍從哈占進剿復大竹渠縣遊擊擊二十七以總督噶思泰薦擢甘州副將學士達瑚等自西藏使旋至嘉峪關外為青海阿奇羅下藏所掠將軍孫思克使育龍偕游擊韓成等搗其巢斬級四百有奇阿奇羅下藏遁事聞詔嘉獎三十年赴寧夏防剿噶爾丹時改肅州協為鎮即以育龍為總兵三十二年降番罕篤與羅下藏額林臣奇齊克等復叛育龍追至庫列圖嶺斬四十餘級獲百二十人三十四年噶爾丹屬回塔什蘭和卓等五百餘人入犯度三岔河育龍擊禽之三十五年從征噶爾丹遇賊昭莫多飛礮中育龍右頤益力戰賊敗遁師還召至京師上撫視其創命御醫診視賜衣一襲移鎮天津敘功予拖沙喇哈番世職四十年擢陝西提督賜孔雀翎四十二年上西巡育龍迎

清史稿

列傳六十八

十一

謁山西賜御書榜駐蹕渭南閭閻原將卒校尉顧大學士馬齊等曰朕巡歷諸省綠旗無如潘育龍兵者命加秩尋特授鎮總兵軍領提督如故四十九年上幸五臺育龍迎謁賞賚優渥親製詩章龍之時有陳四等率妻子游行驚技走馬上竿躍案算卦俗名曰卦子人既眾遂為盜育龍捕得五百九十餘人有司讞鞫因疏請飭各省督撫責所屬鄉村堡寨遇令改業編戶為民給荒地開墾馬騾牲畜變為牛種載入賦役全書下部議行尋以病累疏乞休詔輟慰留五十八年卒贈太子少保賜祭葬諡襄勇係紹周改籍陝西西安襲世職授二等侍衛累遷廣西慶遠協副將雍正初總督鄂爾泰奏開古州都江河道以定旦來牛二寨苗梗路檄紹周統廣西兵赴古州諸葛營與貴州副將趙文英會剿盡平賊寨擢雲南提督賜花翎調古北口以病解任乾隆十八年卒高宗追念育龍軍功特予恩騎尉世職以紹周子忱嗣之善育龍從孫仍籍甘肅靖遠初從育龍征噶爾丹昭莫多之役力戰中槍詔來京師醫治四十二年上幸西安之善迎謁臨潼授藍翎侍衛賜孔雀翎補肅州鎮標游擊策妄阿喇布坦以二

千人侵哈密之善率兵二百擊敗之上嘉其勇超擢陝西潼關副將從靖逆將軍富寧安擊準噶爾於烏魯木齊多俘獲雍正初青海台吉羅卜藏丹津叛侵布隆吉爾與參將孫繼宗引兵夾擊斬獲無算擢四川北總兵移鎮陝西西安之善以邊外遼闊當設卡路杜窺伺乃遣兵於沙州西路伊遜察罕齊老圖及察罕烏蘇諸關分路偵禦並以住牧熟夷數百戶分置諸要隘調敵情督修西安城及沙州五堡以二千四百戶屯田沙州籌牛種建房舍疏開上深嘉之命署固原提督諭曰此策乃汝叔祖潘育龍所整理為天下第一營伍流風餘韻至今可觀若不能企及何顏以對朕耶尋以目昏解任十一年卒

清史稿

列傳六十八

十二

特命額倫特近御座親賜之飲諭曰爾父宣力行間爾亦入伍能效力故賜爾欽尋遷西安副都統調荆州副都統四十九年擢湖廣提督五十二年授湖廣總督尋命履勘湖南諸州縣荒壤得四萬六千餘頃疏請聽民開墾六年後以下則起科五十四年命往按察原知府趙鳳詔貪墨狀論罪如律厄魯特策妄阿拉布坦犯哈密上遣尙書富寧安等率師討之五十五年命額倫特署西安將軍主軍餉策妄阿喇布坦自噶順汛山後道沙拉侵青海執台吉羅卜藏丹濟布以去命額倫特率師駐西寧為青海諸部應援五十六年策妄阿拉布坦遣其將策凌敦多布侵西藏命額倫特移軍青海與青海王台吉等議屯軍形勝地額倫特疏言西寧入藏道有三庫庫賽爾爾爾拜都領道皆寬廣請與侍衛色楞分道進兵五十七年策凌敦多布入西藏破布達拉城拉藏汗執其子蘇爾咱遂據有其地六月額倫特與色楞分道進兵額倫特出庫庫賽爾爾領七月至齊諾郭勒策凌敦多布遣兵夜來侵擊之退次日復至額倫特親督兵緣山接戰賊潰遁追擊十餘里多所斬獲疏入上深嘉其勇策凌敦多布遣兵

酒出喀喇烏蘇額爾特率所部疾趨渡河扼拉領險禦敵比至喀喇烏蘇色楞以兵來會合力擊賊賊數萬環攻額爾特督兵與賊被重創賊益力相持者數月九月復厲兵進戰射殺賊甚衆矢盡持刀麾兵斫賊賊益兵合圍額爾特中傷猶力戰遂沒於陳五十八年喪還上命諸王以下迎城外內大臣侍衛至其家奠茶酒世宗卽位進世職三等阿達哈哈番賜祭葬諡忠勇額爾特與川陝總督晉泰皆自行伍中爲上所識拔額爾特以廉潔著上督與張伯行並稱謂在督撫中操守最優也康熙廿九年張掖人初入伍累擢至游擊從將軍孫思克擊噶爾丹以功授世職拖沙喇哈番四遷四川提督額爾特駐西寧率松潘兵千餘出黃勝關爲應援兵謀奪官命自其鞍馬從軍從額爾特入藏戰喀喇烏蘇羅馬殺賊矢集於臂叱其子拔矢裹臂復戰陳沒贈都督同知諡壯勇弟海陝西涼州總兵將所部從額爾特同時戰死贈世職拖沙喇哈番論曰厄魯特亦出於蒙古析爲四衛拉特其一曰緯羅斯牧伊犁噶爾丹狀兄子自立乃號準噶爾移帳阿爾泰山兼有四衛拉特北侵喀爾喀南侵衛藏聖祖再親征乃摧敗以死烏闌布通之役噶爾丹敗遁我軍亦重創修國綱以元舅死綏及戰昭莫多費揚古麾飢疲之衆當困門之寇蹈瑕以破堅則謀勇勝也馬斯喀阿南達吉勒塔布化行育龍先後在事有勞額爾特孤軍殉寇青海之師準部之滅皆於是乎起誦書之以著其本末

清史稿

列傳六十八

十三

清史稿

列傳六十九

姜希轍

余 籍

德格勒

陳紫芝

任宏嘉

高層雲

沈愷曾

豐翔麟

高退昌

姜希轍字二潑浙江會稽人明崇禎間舉人順治初除溫州教授五年以瑞安知縣缺員令暫攝鄭成功兵來犯攻城希轍督民守遇事立應援至破成功兵齊雲江上九年遷直隸元城知縣畿北饑流民至者日以萬計逃入令方嚴民虛淵入爲累輒拒不予食希轍令察非逃人使墾縣中荒田田闢饑民以活善決獄民稱之十五年授工科給事中吏得盜白列義王孫可望家人爲買馬鑲白旗丁爲之因緣希轍疏言可望來歸本朝漸滋不暇尙敢收亡命相關通身爲旗丁豈復應榮驚冒法網夫盜有根柢有黨羽臣請收義王家人及旗丁窮

清史稿

列傳六十九

一

治之上下其疏罪人皆抵法國初考功法獲逃人闖荒田督運漕糧皆隨等陞擢希轍疏爭非政體不當開倖進上方嚴罪貪吏吏往徇曲法罰鍰希轍疏言例贖杖分有力無力所輕重不過錄兩間今乃倍五倍十不構成數不應則嚴朴隨之是昔以罰省刑今以罰濟刑也命仍如定例十七年上詔求言希轍疏言臣聞君臣一德原未嘗以憂勞之任獨歸之君父爲人臣諉卸責地也臣觀今日積習痼根大要有二巧於卸肩者假詳慎以行推諉畏於任事者飾持重以蹈委靡請進一德之箴爲中外諸臣誡師自江西下廣東州縣供億繁重南贛巡撫報曲江始與兩知縣同時自裁希轍疏言大兵所集米豆草束槽餉金鑊自所必需然先時傳檄使之預備供億雖艱何至捐債行兵不嚴責在總督立法不預責在巡撫二者必居一於是請飭察究尋更歷兵禮二科時會計法嚴錢糧完欠每項各限十分定考成條例繁陋有司救過不給希轍疏請總歸十分以一歲之徵收計一歲之款項起訖既清稽核亦便自此部計稍紓有司得久任康熙元年考滿內陞回籍待闕九年詣京師復授戶科都給事中具三

疏請增科員請令巡撫得轄兵防地方竊發請緩奏銷之期使催科不迫遂順天府承遺父喪歸十七年授奉天府丞乞養母歸三十七年卒於家
余縉字仲紳浙江諸暨人順治九年進士授河南封邱知縣兵後流亡未復棄地備望朝議興屯設道臨董之民田徵賦屯田徵租租視賦爲重民棄屯不耕府縣吏急考成以屯租散入田賦民失業總督李蔭祖行部至縣籍導觀民間困苦狀蔭祖疏聞與屯道應悉罷十七年行取授山西道御史乞養歸起河南道御史康熙初鄭成功已死其子錦屯廈門有議棄舟山者縉上疏爭之略謂浙江三面環海海波尤孤懸海隅以舟山爲外藩不知行間諸臣何所見而倡捐棄之議江海門戶欽手委之逆豎夫閩海祇一廈門數萬之衆環而攻之窮年不能下奈何以已克之舟山增其巢穴福建總督李率奏議遷海濱居民縉復疏爭之略謂海濱之民與賊狎處一二其頑食狡嗜厚利通消息以相接濟者固未必無之但據所稱排頭方田諸處民或盜牧馬或縛窮民潛送廈門當此兩軍相望巡警嚴密雖有好冗安能飛渡是其說令不肅已可概見又云派

清史稿

列傳六十九

二

撥舵工水手公然不應海上舵工名曰老大其人必少長海舟內外洋島嶼徑路瞭不熟歷而後駕風使舵操縱自如奈何責之素不練習之民視同里役橫加食派彼即勉強應役技既不精心復巨測萬一變從中起將置數十萬奮戈持滿之士於何地兩疏語皆切至聖祖親政順治間建言諸臣坐遷謫者次第赦還惟議及逃入不在赦例居數年詔寬逃人禁籍疏請赦部察當日建言被謫諸臣存者召還錄川死者歸葬贈卹尋命巡視長蘆鹽政以改葬乞歸二十八年卒於家縉廉而能治事尤持正妖人朱方日言禍福朝士多信之縉曰此妄男子耳於法當誅方且卒坐死

德格勒滿洲鑲藍旗人康熙九年進士選庶吉士授編修累擢侍讀學士充日講起居注官掌院學士李光地亟稱其賢聖祖時召見講論經史嘗扈從巡行大學士明珠柄政務結納士大夫將魏金爲治裝德格勒以裝具固辭不受會久早上命德格勒筮過火問其占曰澤上於天將降矣而卦義五陽決一陰小人居鼎鉉故天屯其背決去之即雨上愕然曰安有是德格勒遂以明珠對明

珠聞大惡之時以蜚語上聞謂德格勒與侍講徐元夢互相標榜徐元夢亦不附明珠者也故並族之二十六年光地乞假歸入辭而奏德格勒徐元夢學博文優逾月上召尙書陳廷敬湯斌等及德格勒徐元夢試於乾清宮閱卷畢諭曰朕政暇好讀書然不輕評論古人評論古人猶易評論時人更難如德格勒每評論時人朕心不謂然故召爾等而試妍媸優劣今已判然學問自有分量毋徒肆議論爲也二十七年明珠罷未幾掌院學士庫勒納勅德格勒私抹起居注並與徐元夢互相標榜下刑部論罪故事起居注數易籤然後登籍德格勒勒所刪易者實未定籤也上諭斬命改監候秋後處決徐元夢亦坐譴語詳徐元夢傳光地還京師上命尙書張玉書等以德格勒試卷示九卿並詰光地於是玉書等奏稱德格勒文實鄙陋光地亦以妄奏引罪命從寬免究德格勒尋遇赦釋歸本旗卒

清史稿

列傳六十九

三

冠昏喪祭未有定制請編纂禮書頒行天下又請裁屯衛以屯務屬州縣則田賦可覈逃盜可清詔並允行時督撫監司皆由廷臣保舉湖廣巡撫張汧大學士明珠所私也恃勢貪暴言路莫敢觸發二十六年紫芝上疏劾之言汧任任未久黜貪多端凡地方鹽引錢局船埠墮不搜括甚至漢口市肆招牌亦按數派錢當日保舉之人必有賄囑情弊請一併敕部論罪上命奪汧官遣直隸巡撫于成龍山西巡撫馬齊副都御史開音布往按治復論廷臣謂汧貪婪無人敢言紫芝獨能彈劾即予內陞成龍等按得汧以前官福建布政使虧帑令屬吏彌補又派收鹽商銀九萬上剽南道祖澤深婪取於民又八萬獻上驗校保舉汧爲巡撫者侍郎王遵訓學士盧琦大理寺丞任辰且皆坐奪官擢紫芝大理少卿每諷獄稍涉矜疑即爲駁正多所平反紫芝以峭直受上知同朝多側目無何卒或傳紫芝一日詣朝房明珠延坐進茗飲之歸遂暴卒云首重光宇在辛江南句容人順治九年進士自刑部郎中考選御史巡按江西與明珠忤罷歸初鄭成功犯鎮江重光緹城乞援事不賜御書榜卒祀鄉賢

任宏嘉字葵尊江南宜興人初以舉人官行人康熙十五年成進士十八年考選江南道御史巡南城疏言各州縣宜有講堂書院庶人知嚮學又言學道不惟受制藩司抑且受制知府蓋府道階級不甚懸無以資表率部郎聲望不甚重又無由達封章求其公明實不可得乞重其選改巡北城疏陳五城應行事謂盜風未靖由保甲不行稽察未清由旗民雜處司坊未潔由勸懲不當又言州縣昏夜比較鄉民既宿無地飢寒受杖往往殞命又或因分釐火耗之輕受簽役橫索之累又言朝廷清丈所以爲民而藩府駁冊上下動費累百津梁有關所以禦暴今水泄皆設巡欄旱路亦行堵截檢索至負擔稅課編難豚所言皆痛切宏嘉一日巡城有錦衣駿馬突其前呵叱之隸卒白曰此王府優也宏嘉趨王府索優出杖之四十上聞直宏嘉由是貴戚歛跡毋敢玩法尋掌山東道兼江南道如故上十漸疏一日朋黨交結之漸始因交際爲餽遺漸以愛憎成水火二曰奢侈僭踰之漸物力既殫等威亦紊三曰文武訐訐之漸督撫提鎮挾私互訐小吏效尤何以使民無訟四曰紳士吹求之漸有司視如仇讐茲

清史稿

列傳六十九

四

民以爲魚肉五曰上下奉違之漸國家良法美意奉行者徒有虛文過當者反成弊政六曰名器混淆之漸爲生養萬民計守令宜用正途七曰常平侵漁之漸貯穀久易滯損又難盤察不若聽民輸錢數易糶而無朽蠹八曰河工興建之漸從古無不徒之河治河惟去其太甚不必議開議塞借一勞永逸之辭爲逐利倖功之術九曰情罪過當之漸如逃入止於鞭刺過宿反至竄流輕重不平枉誣尤甚十曰積習膠固之漸升遷則趕缺壓缺處分則忽重忽輕視爲故常營競特甚復疏論銓政不平並下部議行三十三年遷奉天府府丞兼學政轉通政司參議署通政使丁母憂歸服闋病卒於家宏嘉素慎疏上言過直輒戰慄或曰子慈若此何如不言曰宏嘉之戰慄氣不足也然知其當言不敢欺吾心尤不敢負吾君耳

高層雲字二鮑江南華亭人康熙十五年進士授大理寺評事二十五年授吏科給事中二十六年太皇太后崩詔王大臣集永康左門外議喪禮大學士王熙等向諸王白所議跪移時李之芳年老起而陪層雲曰是非國體也即日疏

言謂天潢貴胄大臣體當敦敬獨集議國政無弗列坐所以重君命尊朝廷也況永康左門乃禁門重地太皇太后在殯至尊居廬天威咫尺非大臣敦敬諸王之地大學士爲輔弼大臣固當自重諸王亦宜加以禮節不可驕恣僥慢坐受其跪失藩臣體疏入上曰朕召大臣議事如時久每賜坐語今大臣爲諸王跪於禮不合下宗人府吏禮二部議嗣後大臣與諸王會議不得引身長跪著爲令二十八年京師早詔求言層雲疏論江淮間行屯田擾民請急停蘇民困上嘉納之遷通政司參議二十九年遷太常寺少卿卒官

沈愷曾字樂存浙江歸安人康熙二十六年進士選庶吉士三十年改山東道御史略爾喀率屬內附上親出塞拊循愷曾疏言巡行口外爲蒙古諸臣定賞罰編戶口安插新附但聖躬遠出開闢崎嶇乘輿勞頓於外羣臣晏息於家臣心何安宜遣部院大臣經理令逐一奏聞仍與皇上親行無異乞傳旨暫緩此行疏入不報上還京師召愷曾入對賜宴三十五年上親征噶爾丹歲暮以餘孽未靖復出塞愷曾復上疏請回鑾語甚剴切順天學政侍郎李光地有母喪

清史稿

列傳六十九

五

命奪情視事光地請給假九月言路大譁愷曾疏言學臣關繫名教表率士子使衰經者衣錦論文其何以訓宜令終喪以隆孝治閣臣職司票擬理應委曲奏請始不當有在任守制之票既不當有仍遵前旨之擬科臣職司封駁閣臣票擬不當科臣職旨復奏固其職也乃亦復默然不知其所謂封駁者何在也臣不敢以妄擬閣臣爲嫌劾奏同列爲咎疏入下九卿議尋用彭鵬言令解任在京守制陝西提督孫思克請令富民納粟佐軍愷曾論奏乞敕部停止上是之人臺七年疏數十上忤直敢言懸掌山西江南浙江河南道事管登聞院三十八年巡兩廣鹽課多惠政商民德之報滿留任一年還京復掌山西道丁父憂以廣東運使聖誤事連坐罷官四十四年上南巡召試行在稱旨賜御書尋卒

魏翔麟字衛國浙江仁和人父佳育字祖錫自龍驤衛經歷出知安定縣又自兵部郎中出爲分巡通永道僉事擢江南布政使所至有聲績入授光祿寺卿命修賦役簡明書未竟卒翔麟自副貢生授兵部主事出權廣東關稅沿海諸